





徐隱君真木一名貞木字士白自號白榆山人白榆之爲人志意高遠狷介不苟同流俗蓋兼古之狂古之矜者也徐崧媵偶爲予述其一事鄰郡有貴介慕其名招之往不應或爲之從與笑曰君誤矣試思此地可使徐某置足乎其立身有如此者甫十歲而孤能自肆力於風雅之林書法及篆刻得自家傳遺蹟而益精之又刻意爲詩餅無儲粟歌聲出戶外取自娛而已而爲有識者所激賞嘗見其與包長明先生尺牘論書法云書至唐人而法備而書之意遂以微矣外人駭其言噫於書法非晉人不取詩之取法高亦可知矣惜其詩不多存李維鈞書

懷古堂詩集一卷

古今體一百二十二首





補遺二首

舊序

予友徐子士白以篆章名世海內推第一所鐫金石識者品之在秦漢間迄今數十年惟令嗣虎侯繼其學他無有抗行者此世之耳目所共知也士白原居禾中世以書學傳少時規模登善後專宗右軍小楷臨黃庭爲最勝兵燹以後移居子梅里苦吟工詩常傲然自命不苟同時趨予平生篤此二好迺三數年間得相周旋焉士白之詩既不爲宋元仍惡於擬古而襲唐以故駢麗之詞與纖靡並黜鬼怪之句與庸熟同非閱他人所作十無一當意者其自評詩必寄古意於淡懷變陳言以新思小不合卽棄去不錄因而所存之篇什頗少且士白歿時虎侯尚幼又屢經播遷遺文之收拾良已難

矣虎侯茲尋所存故本得十之二三將授梓而謀之子子曰嗟乎是誠不可緩爾夫士白之詩之書之篆章稱三絕矣今世都能稱士白之篆章或在遠尚不知其書即稱其書者或猶不知其詩自古高才博學之士往往以其獨勝掩其兼長此亦失於表章者之過與康熙二十六年歲除日同里王庭序

予自弱歲交徐隱君白榆君負異姿該覽載籍志潔而操激敝屣榮利蕭然韋布之高節其書法逼魏晉其篆籀鍊筆溯秦漢士大夫家寶藏之獨於詩往往獨吟或即事標領脫藁輒棄去以是所存僅什之二三君歿二十餘年而嗣君虎侯搜掇散帙得如干首屬予序之序曰嗟乎巖穴之士身不立廟廊立言不關世務顧自漢以來史必錄其人甚者採其所



製夫豈徒哉蓋古之逸民所搦之業不同而其志則一要皆有託而逃故其人與言皆足以風世而傳後梁伯鸞五噫之歌顧瞻京闕而念人之劬勞適吳詩云欲乘策以縱邁疾吾俗兮作讒彼遭逢不偶以閔時疾俗之旨發爲高山流水之音因言而見志如此隱君生遘喪亂垂老無寧居紙窻木榻筆精墨妙之外皆其所不爲驕視富貴鄙夷陋學微辭刺譏聞者憚且怨而君則公是公非若妍媸就鏡非有毀譽也君嘗著短衣攜筐筥入市市酒菜貴遊邂逅絕不爲意或以倨侮讓謝曰吾寧不事容飾顧里無可語飾將安往世由此駭其跡而君閔時疾俗之懷世固不盡知也今君詩存者如東門行步出城南隅七哀諸篇牢楚激壯怨而不怒彷彿五噫之嗣響後有讀君之詩而悲其志想見其人必有位之古逸

民之列者庶無媿色矣同里李良年撰



懷古堂詩集

東門行

嘉興梅會 徐真木 士白

出東門有所思鬱鬱誰家墳樹木藏鴉鴟維貪則顧愁則嘯  
而饑食其母血盡肉飛皇天何辜蕃息其雛恨無罽羅相眎  
奈何還入君門涕泣滂沱鸞凰高舉逝彼中阿我有斗酒與  
子樂之我有痰疾子則藥之榮辱天爲亦又何悲

步出城南隅行

步出城南隅遙見郭西村翩翩少年子佼服乘華軒廉恥委  
溝壑羅穀填高門金爐宿朱火玉醴延芳尊清謳起沉憊曲  
諛銷煩寃七首臞羊膈雕盤進熊蹯木難間雜佩遺贈通殷  
勤齊竽及楚舞下客致寒暄天子報明德黼黻垂後昆高會



未及終世運有否屯冠裳辱下隸往哲慕孤豚所以懷玉士  
出處詎等倫端居乘天運悠悠何所言

鳥樓曲

櫻桃花飛滿庭院吳姬越佼初相見屋頭犁星光參差正是  
昨宵郎去時

邯鄲才人嫁爲厮養卒婦

君是幽并兒妾乃叢臺女一辭玉輦入君門猶夢金宮學歌  
舞倚伏由來不自料紅顏飄泊今如許三月邯鄲柳色深春  
風駘蕩愁人心樓高夜靜百花吐銀燭空然照錦衾

當壚曲

羣麝風開散綺筵越羅初試杏花天王孫日暮迴金勒繡被  
添香獨自眠

盧橘停燈滿路香燕姬調客倚鳴璫不知此日臨邛市還有  
相如解鷓鴣

梅花落

庾嶺千重雪江城五月花可憐征客恨十載未還家落粉驚  
殘夢飄香度錦車閨中有少婦對此莫長嗟

長干行

素絲青油幕朝暮長干口請繫珊瑚鞭飲儂玉蘭酒  
潮回風正急歌起木蘭舟莫遇橫江吏明妝出浦頭

七哀詩

商飈應節至卉木凋華姿悵悵征人子於此心傷悲伊昔邁  
喪亂骨肉中乖離一身涉遠道萬事良訴誰平莽絕行人援  
狐自相追夕宿枕高防晨行厲深陂泠泠寒澗流俯聽更移



懷古堂詩集 卷全 二  
時登高望中野天曉月欲移徬徨中夜間泣涕空漣漉  
西風水增波孤雁獨南翔浮雲翳高樹白露自爲霜寒氣入  
四壁熒熒燈無光靜聽多悲風蕭條摧白楊託身蓬蒿下志  
士多慨慷憶我同心人修夜殊未央折彼秋荷花歎此道里  
長時節雖改易願子母相忘

爲朱子容賦湖頭采蓮婦

春風散初柳曉日連溪口深水耀新妝青蒲明素手  
歸去入斜塘春衣蓮子香清歌君不見愁思妾空長

山杏花詞

山杏花一何白其下不成蹊堪憐空艷質估客下襄陽千金  
結遠裝許銜雙鳳帶一夢楚天長

讀遜國臣紀

維明四十載四裔方櫛沐文德乃誕敷淳風奠華俗聖哲詒  
厥謀再世禍何速在昔金川門燕師遂南牧羣雄一朝下鎧  
鎬蔽川陸是時忠孝士取義從所欲明道辟異端首稱有正  
學麻衣哭殿陛豈遑惜九族成王顧安在舌血灑黃屋奇哉  
葛衣傭舍作時夜哭道逢補鍋人持衣訣以目昭昭數子心  
所學殆不辱哀哀草莽臣涕淚擲遺牘

秋盡登真如寺浮圖

一上復幾許野馬秋空縣稍稍出重階已覺浮雲顛日月下  
井邑千里明烏鳶兩湖蓄杯池城郭流清川葉下萬景肅波  
靜魚龍眠心目向所有茲晨皆自捐誰云帝座通莽顧但蒼  
烟

夜歸



懷古堂詩集 卷全 三  
水底落星岸上明野壇月出雉夜鳴踏歌沿月入歸路隱隱  
隔水聞秦箏荒城無人漏水急錦書斷絕空於邑一闕陽關  
曲未終高樓獨見霜飛入

懷陳五

二月春來半蕪城動越吟不知岳穴士誰識采薇心社鼓催  
農作魚風起岸陰一竿元有待思與碧溪深

歲暮懷王言遠孝廉

野戍雞聲合津亭曙色分閭閻當卒歲冰雪奈離羣疎放誠  
憐我清真更憶君衡門春事起相與計耕耘

簡友人

客念經寒食歸心在五湖吾甘隨偃鼠君且恕狂奴荷服仍  
懷楚萼羹自憶吳鄰人吹笛罷清淚警啼烏

宿故友所  
居有感

懷范大

一寒憐范叔十載志彌堅入世知同病投身恨各天閒居深  
自得癡性任人傳可有錢沽酒花時日醉眠

曉行審山道中

水色澹無際前溪望不窮殘花深節序曉氣接空濛野火青  
楓外人烟白露中自傷生計拙十載困征蓬

江行送客

碧水耶溪路高峰禹穴晴幾年爲客恨一夕送君行曉月添  
江色春雲伴旅程遙知相憶處夢繞越王城

舟泛

倚櫂清潭曲閒行宿莽中和歌思郢客吹笛信吳蒙岸草催  
新雨江花待曉風閒愁何可已天際數歸鴻



懷古堂詩集 卷全  
宿水雲居贈朱迪臣

草上黃雲暮樓前落日明魚隨江水出風颭渚花平瀟灑高  
人意棲遲過客情寥寥山館夜滿耳聽蛄聲  
紛紛誠可訝如此豈謀身有癖終違俗無能合避人熟梅經  
首夏行李及殘春舊日山陽侶升沉一愴神

觀漲

淦淦雲根白蒼蒼雨脚繁春鳩鳴水碓江鷓浴柴門岸圻隨  
流沒沙喧盪日昏今無張博望何處問河源

同項子毗兄弟朱孟宣飲沈瑟侯寓中

華燭延芳夜高談挹素風行廚兼味得坐客一樽同笛響疎  
林末天開宿雨中莫愁歸路遠新月正墻東

懷朱子容

不意經時別堪嗟往事非年華看鹿夢筋力問牛衣地僻瓜  
壺滿秋深鼠雀肥傷心江上水猶記綠微微

贈項子聚

我交天下士之子獨稱賢把臂無言晚憐君正少年高情梁  
苑雪絕曲廣陵弦別後如相訪還同一醉眠

寄張卿子

屏跡人煙外孤懷豈樂羣地偏忘物候水暖驗春分蟻老槐  
成國臺荒夢作雲客中無盡意未可故人聞

和友人亂後宿語溪驛樓

舊日皇華路兵戈剩幾家空梁無賀燕石鏡有寒花曉月隨  
邊馬春星逐使車蒼茫驛亭外誰唱浣溪紗

寄黃觀之羈旅白下



懷古堂詩集 卷全 五  
牢落南冠士心知去住難春殘猶擁褐歸近且加餐溪樹明  
吳甸江烟上井榦西州今日淚問子向誰彈

寄父執陳魯直使君

蓬纍嗟今日元龍氣未除鏤腸懷聶政飽腹賤侏儒虎出唯  
深隱雞栖稱索居昔賢誠未達痛憤絕交書

贈徐長旭

一身多難後出處道能全大畧懷孫楚高文憶鄭玄石交經  
兩世瓠落已頻年歌詠衡門下相期旦力田

沈香谷閩歸

當年懷國士一飯擬忘身失意看吾老高風見汝貧餘生空  
計日末路恥因人不愧前賢事行歌起負薪

無題四首

西風吹斷雁澤國夜霜侵欲采芙蓉贈難爲遠別心夢來江  
水濶竟隔九疑深漫記弦中字從今是絕音  
望望不極枯腸日幾迴可憐紅燭淚竟作已然灰暮雨祠  
空在高唐賦儘哀西陵松栢路陳迹滿蒿萊  
心期不可問終日但昏昏玉卮留真氣靈衣入淚痕長雲埋  
雁字秋草憶王孫更是聞宵柝飄飄蕩旅魂  
默默竟何待憂來一往深舊恩團扇曲新事白頭吟錦帶三  
年字刀環隔歲心故人誰邑宰暫與愬鳴琴

飲服侯齋中

日暮高堂上杯深燭影微多君憐過客使我暫忘歸川月白  
盈路竹烟寒及扉誰論五陵客裘馬自輕肥

有感



滿目今非昔重游黯自傷畫梁巢鸛鶴春草臥牛羊讀曲來  
新雨吹笙下夕陽方池流泐水猶作弃脂黃  
秋草衰楊路王孫不復來玉墀梧葉滿總帳水烟開南國湘  
君浦秦宮帝女臺江關留滯日詞客自多哀

歲暮懷盛子

落落窮陰盡衝風失雁行烏啼牛樹日客臥曉天霜未遂青  
山老空憐白髮長故人無狗監何用賦長楊  
秋草此時沒歸途望眼賒恥將遊子淚增彼室人嗟地迴雲  
無色江深雪有花多君千古意默默向誰誇

夜坐

月過千林靜風迴衆壑清經時忘客面入室記蛙聲飲啄隨  
天意飄零信此生如何千古士心折到侯嬴

偶檢看信  
陵君傳

東溪夜歸

一望渺無盡愁心孰可親空潭殘夜月曾照昔時人秋草荒  
三徑高花接四隣鄉心徒自切何處問通津

懷徐梁父

病骨三年在驚寃一夢餘經春看蟻垤隔歲問鴻書草澤嗟  
時晚江天倚杖孤茆堂新酒熟知子待潛夫  
寒食雨雪坐項子介齋中懷王介人周青士  
悠悠過令節慘慘滯春陰雨雪逢寒食離愁動短吟老思生  
計晚貧憶故交深溪上鷗羣在應知共此心

散髮

散髮長林下行歌鹵澤中高原涼片雨歸雁起西風暮色一  
天淨秋聲萬井空客愁何處絕望裏正丹楓



懷古堂詩集 卷全  
夜聞簫

重門凡幾折風度曲彌長彷彿初聞處真令客斷腸月華垂  
北渚露草濕寒塘舊事傳仙史秋空竟渺茫

虞姬廟

何年遺廟在彷彿見容儀慷慨捐軀日英雄下淚時江聲曾  
不盡世運已頻移舊恨憑誰釋村巫勸一卮

朱子容鏡雲亭

舊日裴溪地天迴徑不分水流無限月客臥幾重雲麥氣迎  
秋近楓香隔岸聞空亭誰鼓瑟惆悵憶湘君

宿襲紫樓贈李明遠

忽忽從前事栖栖實可憎庭陰初改夏客面久懷冰閱世偏  
多感深耕苦未能十年朋好意相照正寒燈

歲暮與朱子容

莫問今何事餘生亦偶然人情堪一笑物役已三年疎髡風  
霜入驚心歲月遷朝來空自慰屋壁滿苔錢

過徐庾清村居

路入迴塘去魚防水落時聽歌山鳥集岸幘野人疑卜築依  
三戶逃名託五噫臥聞風笛起愁絕故園思

湖南夕漲寄懷沈香祖長溪村舍

雲臥千溪沒風湍一雨齊岸花飛鴝鷁江月舞鷓鴣萬事吾  
高枕孤吟子杖藜天涯徧芳草去住轉淒淒

過趙伯虬所居書壁

短髮蓬門下高歌白石前階桐疎晚日牕竹散炊烟歸夢身  
千里鄉心月幾圓何當期解佩滅燭聽朱弦



懷古堂詩集 卷全  
答項子介

對子難爲別天涯滿夕陰幾宵燈火夜五稔去來心芳草思  
南浦清風憶竹林無人知古調含笑擲青琴  
萬里雲沙淨鴻飛逐望遙病憐殘褐在坐覺衆星高富貴蜩  
雙翼文章馬一毛江臯春水至重擬泛輕刀  
忍詢英雄志含宏大雅資哲人應自勉母使俗相疑岳壑陰  
晴變風塵老病知千秋羊左在日月並光儀  
世久輕然諾君猶重夙心一鏡成遯世萬事付長吟多難思  
真友春愁託錦衾沅湘蘭芷綠初服念同心

今夜

今夜黃昏兩愁人祇獨聞到吳天目遠出峽隴頭分碧草連  
迷岸高烟近作雲客懷何日盡不寐越江濱

懷李四光基

愁霖凡幾日望眼接長天驛騎三星外歸鴻二月前遠烽連  
夕市哀角斷荒烟異世思劉表令人愧仲宣

放鶴洲晚立贈朱葵石使君

莽莽湖光去沉碑亦偶然海雲青放眼岸草碧無天濯足逢  
漁父吹簫泊賈船閒居教耕鑿太守世稱賢

秋夜寄懷嚴四嬾民

獨客經年別衰林此夜聲蛩疎時續響螢濕漸微明食力存  
荒圃摧心對短檠飄零能共惜誰復古人情

秋日同高臣虎徐長旭登福城寺土阜

衆水收殘潦秋光落梵庭山雲出深谷岸柳冷遙汀鸛浴溪  
流碧螢飛石葉青陶公當日意一半在郊坰



雨不絕懷嚴四嬾民

浮雲連大漠河外沒漁磯澤凍龍蛇偃春遲鴻雁稀買山何  
日是招隱幾人歸寂寞丘中路長謠獨掩扉

估客持肝青玉孩子至云是前朝殉物

如何來土窟畧似具人形石漆膠脣暗銅花蝕髻青幾年離  
玉柙一旦別芻靈漫自歸珍賞幽埏遂不扃

朱子容招坐南園賦贈

兵革身仍在顛危萬事輕餘生隨鴈鶩垂老謝逢迎曉月緣  
溪盡春泥倚樹行多君傾脫粟實有古人情

和大山師暫歸溪上

久客應多暇歸來有底忙甑餘菰米熟衣罾荇花香歲事占  
雲物農歌半水鄉禪樓燈火夜舫若慈航

答許蓮長次韻

一碧湘潭外何人臥此中溪深樹欲墮石仄徑纔通客舍元  
匏繫孤生益轉蓬恥將今日淚泛泛泣途窮

溪風閣夜坐次迴師韻

溪光連草閣一葉破風紋萬籟起清夜孤窻明片雲林深眠  
石虎竹暗倚湘君只此門前路居然隔世氛

同陳階六沈大匡兩先生飛來峰壚頭卽事

楚楚金釵客何年住此峰澗花撩客夢春雨淡山容石有三  
生約人憐一日逢歸心休惘惘鐘斷白雲重

古意

碧瓦明初日簾衣正下鉤曉雲扶玉鏡宮柳映金溝墮馬淮  
南髻吹笳塞北謳雞竿昏影盡仙掌露華收帳羽飄春縠屏



懷古堂詩集 卷全  
珠圻海榴當年思躡鯉今夕怨牽牛夜靜鴻聲遠秋高水氣  
浮神居真縹緲目斷五城樓

寄李明遠

薄俗交難問孤生累易纏蓬心傷老大旅食困窮年碩鼠空  
留語青蠅實可憐怪來唯咄咄高臥只便便客淚懷人盡鄉  
愁入夜懸逝波淪白日原樹沒春烟細麥初成獲紅蠶已再  
眠瘡痍何日定歌詠答蒼天

索處南園喜徐梁父至賦贈

伊昔分攜後交知幾屈伸不才甘弃擲末路走風塵老至添  
予拙時艱念子貧何年初避跡今日再依人共濟思乘艇朝  
饑夢采蓴披裘曾五月擁絮輒經旬白石行歌處蒼生野哭  
辰壯心殊未已常拂紫綸巾

沈秋澗留飲

榆莢青青夾道懸提壺重費沈郎錢狂歌且自拚今夕大藥  
何妨屬暮年烈士敢忘三敗恥王孫曾受一朝憐前途別有  
傷心事黃鵠磯頭看逝川

答徐拙民

短衣無計逐耕桑扣角歌終半夜霜縞帶未逢投杵白綈袍  
空自哭原嘗湖天月落春潭曉碣石鴻飛隴樹黃深愧故人  
傳錦字一竿唯待下滄浪

露坐

荒原石馬臥青楓菰茨江寒歲不豐何處舊恩輕一飯空留  
病骨滯秋風高林墜露遊絲白古渡無人落日紅聞說羽書  
徵募急那能投鋪起從戎



懷古堂詩集 卷全  
二  
金明寺重逢孫子周

仙標真擬赤城霞一賦當年未肯誇舊識高情傾海甸重逢  
衰鷗客天涯城圍秋草朱公里水遶慈容帝釋家好向禪宗  
覓清淨浮雲世事莫悲嗟

同曹潔躬陳階六兩先生湖泛限韻

幾樹垂楊遠岸遮迴溪進艇日初斜尊前黛色橫青嶂水外  
歌聲艷碧沙風草不驚鷗睡處哀弦能感客思家一時矯首  
烟波際縹緲衣香雜荇花

倚櫂山根即大堤坐聽風急入前溪冥冥月氣夜方靜森森  
湖流天與齊客裏歲華愁處失苑邊燈火望中迷傷心自覺  
年來甚不惜相逢醉似泥

寄吳去塵吳門客寓

音書何至久蹉跎避地春風二月多入谷自攜三秀草隱吳  
仍抱五噫歌官橋水靜聞長笛漁浦花深臥短蓑能向雪溪  
乘興否一瓢留得待君過

寄沈服侯

疎柳啼烏夜未央年光搖落思茫茫空堂客散月當戶別院  
風高砧過墻夢去幾回同燕雀愁來一曲起滄浪鄉心莫問  
今多少九折應如隴坂長

南湖

十里蒹葭繞畫樓登臨不盡古今愁風塵我尚爭雞食功業  
人誰問虎頭盡日催歸聞杜宇百年浪跡見沙鷗漁舟泛泛  
歸何處自詠滄浪過別洲

答陸水修



懷古堂詩集 卷全  
一臥天涯白髮生遙傳錦字故人情牛衣孰信王章淚馬骨  
偏傷郭隗名梅蕊經寒搖雪色吳音入破變哀聲何年四海  
銷鋒鏑好共谿山閱耦耕

有懷

短笛哀箏入遠天孤生何事不堪憐江干夜雨摧紅燭畫舸  
春風摘翠鈿對酒幾忘身是客懷人重記柳如烟別來多少  
秦淮水千里相思動隔年

贈高臣虎

王風久矣變哀吟何意重聞正始音摠攬衆形歸造化獨攜  
孤響入青琴十年祇溷屠羊肆午夜空高射虎心懷古感交  
今日淚因君不覺一時深

玉鳧

玉鳧金燕已茫然剩有芻靈伴几筵鴈柱記歌誠隔世縷衣  
施佛是何年宮中七夕憐私語石上三生證昔緣十二樓中  
春晚晚好憑鳧夢到郎邊

過玉序樓

摳衣曾記此同遊多難重經百尺樓仙客漫誇頽玉佩故人  
未改黑貂裘東封佳氣高秦望北鄙浮雲滿帝州回首敢論  
當日事誰能投筆取封侯

樓下寒梅片石存空花閱徧幾涼溫一番客散平津閣千古  
羅傷翟尉門只有豚蹄能祝社何曾香草解招鳧他年角里  
逃名後湖水秋高訪隱淪

入福城寺

淼淼孤城駐落暉誰傳鐘磬出岵扉懸厓晝雨無人跡滿地



愁雲見鶴飛金簡字留前代碣玉魚苔冷漢臣衣文人慧業  
從來事何必生公叩息機

水流東去莽堪哀故國丘陵盡劫灰野老怪看行客過城烏  
數見引雛回山晴海嶽臨窻近夜靜天香入座來始覺勞生  
塵世隔九霄燈火梵王臺

江城客寓懷沈瞻雲

震澤雲開吳岫微平疇過雨麥苗稀它鄉老病逢寒食絕塞  
烽烟到客衣投筆幾年心尚壯登樓今日意初違誰人天外  
攜長笛吹落江城花正飛

秋日過錢真長西灣

卜得深居水一涯浮雲世事豈堪嗟攝生自檢君臣藥食力  
還栽子母瓜老去交情從杵臼秋來風物在蒹葭傾壺且就

漁樵侶原上朝來落渚花

失題

目擊心存事已非無端海水忽羣飛青精暫飽霜前實木葉  
誰縫歲暮衣彭澤久嗟陶令去青門今見故侯歸茫茫海岳  
他年路夜雨秋燈夢蕨薇

白法禪師重建漏澤院

重重棖角臨春水更見新題護碧紗謾道風塵迷慧日卽看  
人世等金沙舊巢馴鴿窺層拱故國疎鐘落萬家回首蕭臺  
燈火處清秋莽莽意無涯

南湖逢鑒原師

每向東林憶遠師暮雲江樹動離思年來見面渾難事老去  
逢人問昔時霜落晴川回北首簷高疎蕊出南枝無心澤畔



相逢處一夜西風感鬢絲  
紛紛蠻觸總無聞終古相依有白雲  
洞壑清猿啼送客河梁  
秋草綠思君山寒夜戢龍蛇氣霞采朝衝雁鶩羣  
春到西巖高士宅湖干風物擬平分

東溪漫作

北風獨立迴蒼茫秋盡南湖落木黃  
一自驅車傳下澤更聞擊筑上高堂  
晴郊物色冬前柳塵世浮名草上霜  
異地交情原不隔愧無詩句比河梁

林烟湖日滿庭除三徑荒涼水石疎  
野外雲輕歸浦疾尊前雁起動沙虛  
何憎末路人呼馬頗怪臨餐食有魚  
獨擁殘書高自臥寂寥曾是子雲居

冰雪虛堂長薜蘿滄江此夕意如何  
秋臨夜月簫聲苦地入

荒原客夢多白髮且拚今日飲青山  
誰繼昔人過空懷晉代風流輩折齒  
何曾廢嘯歌

得高臣虎越中書

貧居偏喜絕塵氛日日溪頭坐白雲  
幾夜夢多知念我忽傳書到正思君  
巴人野倡難爲聽書中索近詩越女新妝自不羣  
南望大江春漠漠極天芳草下斜曛

傷徐拙民

早辭初服謝人間名在蓬萊第幾班  
仙客已教歸碧落世人空自哭青山  
寒陂宿草愁龍臥華表秋風待鶴還  
三十回頭成底事西溪惟聽水潺潺

晚晴溪上

夾岸驚看半落英緣溪聊作惜春行  
關心苦奈經時雨出戶



懷古堂詩集 卷全  
難逢一日晴丘壠幾摧風木恨川流不盡古今情吳音徧入  
梁州調贏得江南似北平

宿沈初平故居

履跡蒼苔滿歌聲白露空無端悲往事不寐此宵中

答盛子

還山頻有夢對客久無辭一飯今難事深慙鮑叔知

有贈

細麥如絲醉煖烟刀環空約暮春前何時化得山頭月夜夜  
高樓照獨眠

陸冰修席上贈汪挹仙

誰攜冰雪泛紅弦月冷風高響夜泉一聽舊時供奉曲尊前  
爭識李龜年

和燕子樓詩寄某孝廉

舊日休文騁已霜心如秋葉冷銀牀飛花好放隨風去莫瑣  
空帷白日長

博山灰冷夜沉烟鳳蠟焦心一寸然看着守宮私自喜微聞  
開閣在今年

洛浦

洛浦誰傳解佩心陳王癡自惜遺簪愁看十樣何曾畫纔聽  
吳歛淚滿襟

重別

楚水吳天手重分舞腰悽斷鬱金裙誰憐臥病天涯客繡被  
春寒擁鄂君

悼亡詩



前賢曾說可招魂孰爲陳情叩帝闈欲起巫咸問消息九關  
虎豹暮雲屯

綫帖空存繫臂紗金根誰駕七香車從今碧海千年別何日  
重逢萼綠華

水佩風裳泣露溥崔徽誰寫更無端一鈎月印春波影留得  
蛾眉歿後看

一睫悲風月墮帷空庭燕語痛差池牛衣莫問當年事何忍  
重思對泣時

送人之白門

揚子津頭散雨聲鳳凰樓外遠山晴春風十里桃花岸愁殺  
江南送別情

寄范梅隱

靜對寒林日又斜從前浪漫客天涯舍傍若有間田在作伴  
春來好種瓜

二月晦日大雪

冷入重衣白日遲凍雲低壓萬年枝怪來二月飛春雪正是  
林花盡拆時

燈夕

羯鼓逢逢徹夜聞大堤游女出如雲竿頭爭看魚龍戲不管  
春泥點繡裙

街心一簇起芳埃拍拍人呼鮑老來四海共歡新政日酣歌  
不減賜酺回

懷古堂詩集終



懷古堂詩集補遺

燈市

皓月臨芳甸清塵簇綺塗歌樓簫是玉燈市樹皆珠淑氣司  
青帝春盤賽紫姑共呼年歲稔風物古三吳

贈岳天一內翰

青楓白露滿汀洲天際鴻飛急暮流旭日幾看移雉尾秋風  
一夜到羊裘故鄉菰菜餘生計邊徼烽烟阻壯游誰識步兵  
今日意橫江歌起木蘭舟



苻谿繆先生學問人品皆當於古人中求之家尋壑志其墓  
生平大略可觀矣其於詩學最深上自漢魏下迄宋元悉其  
源流正變游思廣而取精專風雅一道實得正體蓋當有明  
之季詩歸流派浸淫未已雖在有志力之士鮮不爲其所惑  
吾里王秋槐毅然以振興古道爲己任從而翼之者有數君  
子先生其一也相與倡訓講論以樂同調以啟嗣音非徒謝  
朝華於已披直能回狂瀾於既倒厥功豈不偉哉先生祖冰  
壺先生考孟思先生世以博洽能詩著於士林至於先生而  
益張其業又可知扶輪大雅故自家學來也所存苻谿詩集  
繫先生手自編定計四卷李維鈞書

卷一

樂府古體詩九十一首



卷二

今體詩一百十三首

卷三

今體詩四十八首

卷四

今體詩九十首

苻谿繆先生墓誌銘

康熙癸未孟夏之月吾友繆潛初處士之季弟其器手一編  
詣余曰吾伯兄之亡也孤子啟武方匍匐關洛間圖泉室之  
費歸卽卜日窆焉惟是幽堂片石必以累吾子於是以所纂  
行狀授余使銘余不能辭謹按狀君諱永謀字天自後更名  
泳字于野又字潛初亦曰一潛號苻谿先世從鹽官徙居嘉

興之嘉會鄉曾祖某明時官宗人府錄事祖某縣學生能詩  
工書法考諱師伋勤學博聞遭時多故屏跡不入城市所著  
詩集曰學圃吟妣吳氏封禮部主事諱洪珍之女壺德最著  
生子三君其冢嗣也生而淳樸幼不好嬉遊方童穉宛然老  
成人見者嗟異弱冠考補邑校諸生數年後遂無意進取提  
學使者至檄就試竟棄去不赴隱居授徒藜藿承歡以事二  
親若將終身然於一切時事不屑也而性樂施予見義必為  
不以已之豐嗇貳其志宗戚朋輩有急周之如恐不及女弟  
四人長適周夫婦俱夭三人早寡又貧不能自給無不倚恃  
於君者王氏妹年尤少君迺以歸養之四十年終其生而苦  
節未旌君有遺憾焉歲乙酉嘉禾值兵亂死者浮屍蔽河君  
行見之惻然自竭資斧設法瘞之仍標記其衣及貌以待辨



不與言集 卷首  
識故鄉人推孝且義者恒以君爲稱首然鄉塾歲久所入脩脯以供仰俯而不贍間一入仕宦之幕舉凡法律金穀辭命之屬無施不可蓋每承幣聘由制撫行省臺及郡守戎帥所交亦多偉人要非君初志之所樂從故不具載當君之客四方也唯謀甘旨以供子職而君考之喪適旅京師得訃跣而奔還以不克盡送死大事擗踊號頓欲自殞者至再母夫人力持之曰欲身殉爾父固也吾年暮安依寧獨不我顧耶乃稍節哀及後客淮陽官署夢父告之曰而母病亟矣盍遄歸乎君驚寤夜起待旦趣駕行人曰夢耳遂以爲真耶尼之不可止戴星而返則母氏果嬰病君親撫摩嘗湯藥旦夕稽顙於天於先祠祈以身代迺踰時而竟不起矣其營葬也附于棺者必誠必信身雜傭匠間率兩弟持畚鍤躬負土以畢封

樹常自恨曰奈何未能以身殉也輒爲泫然蓋親喪終慕如此君性溫和莊敬其遺答人書問從無隻字作草平生無遽色疾辭亦未嘗見其喜愠其待人一以謙恕所謂犯而不校勞而不伐者惟君實有焉同儕後進或欲則倣其一二而莫之能也旣年逾七袞乃歸休於家扶杖消搖閭井見者指爲人瑞謂可坐俟期頤不虞其厭世之遽也先是令子客秦中累歲言旋省覲抵家甫兩旬而躬鑿藥視含斂慎終之情禮無遺闕人以爲慈孝之交感云君生於明天啟癸亥十月初二日卒於康熙壬午二月二十二日享年八十元配王氏年甫三十餘而卒君追念其賢意不再偶然未有子嗣且重違父母之命乃繼娶項氏生男子一卽啟武歲貢生娶沈文學進之女女子四一適國學生俞昞王出一適王愨一適周昱



一適余族弟歲貢生天一俱項出孫男三慶孫慈明慧生今于某年月日葬君某鄉某圩之原而王孺人先祔焉禮也余年二十許時始識君于王氏之館見其一詩有深巷落花來暮雨傍門流水上春潮之句心愛其幽澹由是定交而君於里門亦唯周處士簣沈文學進鄭文學珮錢文學枋朱太史彛尊余與弟良年之數人還往無間相與講學論文若有夙契然者至若象緯曆律醫筮諸學君亦無所不探如同邑陳先生蓋謨餘姚黃先生宗義仁和陸先生圻諸公皆其諏詢而傳述者也凡所研習各有論說必考求據依不爲苟作惜其未脫藁故不見世今所有苻谿詩草苻谿文鈔南枝詞等集藏於家又嘗慨鄉邦人文零落欲彙輯嘉禾文獻錄以徵故家遺俗之梗概亦未及成而逝乃系之銘曰

少而習者孝友嫻壯而行之德義仁經史百氏何紛綸以傳以教博且醇弱冠高蹈浩氣存遯世無悶終厥身苟有掇拾非商申丘園束帛來車輪時焉一出雖澤民俯仰所資乃爲貧年登大耋舉俗尊蕭然遺世輕飈塵緒所未竟詩若文積中者厚垂後昆墓門劄石吾所陳非有虛譽存其真

同學弟李繩遠頓首篡

苻谿詩集序

予年十七避兵夏墓始學爲詩旣而徙練浦之南再徙梅會里見當代詩家傳習景陵鍾氏譚氏之學心竊非之以爲直亡國之音爾客或勸讀楊伯謙高廷禮李于鱗選本諷其音若琴瑟之專一未見其全美焉于是苻谿處士授徒里之西與之論詩則上取蕭統徐陵所錄旁及于左克明郭茂倩之



書故其長歌短咏音節靡不合古因日相酬和所作漸多東  
南隱君子翕然稱吾里同調之盛而予舟車南北突不暇黔  
于游歷之地覽觀風尚往往情爲所移一變而爲騷誦再變  
而爲關塞之音三變而吳儂相雜四變而爲應制之體五  
變而成放歌六變而作漁師田父之語訖未成一家言處士  
亦嘗遠游能不爲風氣所移獨循其舊格以和平之響奏于  
羣音繁會之日信夫有君子之守也已今之倣蘇黃楊陸之  
體者見苻谿詩且置之不顧然而不可廢也風氣之變易無  
異四序之迭運五子之推遷宋元之音消歇勢必復以六代  
三唐人爲歸則苻谿一編正將來之所取式者也處士初名  
永謀字天自更名泳字于野又號潛初居苻谿上近亦移家  
梅會里同里同學弟朱彛尊

苻谿詩集卷一

嘉興梅會 繆泳 潛初

車遙遙

車遙遙行人在何許年年春草路傷生別淚猶沾路傍土舟  
容與行人從此去水遠山長無盡時青簾白舫誰邊住愁日  
暮臨高臺望不極心徘徊高天垂垂羃長路盡是行人來往  
處

青門行

青門道少年游俠誇輕趨路傍風起馬蹄塵萋萋不見王孫  
草楊花如雪正紛紛溝水東西路不分野館燈昏眠未穩山  
橋月落騎如雲城上烏啼天欲曙寒林瑟瑟風吹樹高樓少  
婦不勝悲夢到征人望鄉處



齊東野語  
卷一  
築隄謠

朝築隄暮築隄築隄何辛苦天雨三月漂我田廬什四五縣  
官徵役夫役夫無室家但宿隄下土朝行荷鍤暮行乞食乞  
食路傍人饑來不得力前年築隄隄未立今年塞河河更急  
淇園菜竹下已盡河邊楊柳無枝葉明年隄成多種樹爲作  
官家騎馬路

苦寒行

朝行玄菟城暮宿黃花阪天寒歲月長我行忽已遠九月塞  
草黃邊地驅羣羊愁殺江南兒行踐塞上霜北風號前路行  
子當風去暗渡交河冰關山渺何處將軍過郅支高會許旋  
師織罽毼輸帳凝酥金屈卮天山夜飛雪山高不可越刀環  
照雪寒角弓勁如鐵明年下樓蘭重出玉門關獨羨隨陽鴈

經秋復來還

戰城南

張雲旗樹鼉鼓行酒千萬斛令我軍中勿愁苦今日醉飽君  
莫辭明日沙場格鬪死莫悲但願并心同日死安能俛首行  
來歸交河水長城窟往往天陰鬼夜號下有秦時築城卒築  
城高復低臨洮以東碣石西相望萬餘里中間白骨爲塵泥  
焉支山下黃沙裏戰血年年流未已壯士一朝盡何人歸報  
漢天子

銅雀臺

銅雀高飛去荒臺不可登總帷今寂寞歌舞若爲憑蔓草收  
殘黛餘香罷玉乘墓田松柏路何處望西陵

劉生



走馬東平路傾樽北里花劉生能結客慷慨不爲家京洛多年少長安有狹邪邊隅聞警急一起淨塵沙

芳樹

芳樹不知名婆娑樹下行應憐美人意爲倚玉階生綺戶春風滿高樓日暮情年華猶未晚搖落使心驚

塞下曲

朝從洛陽道暮聽隴頭吟野草連天遠河流出塞深雕戈揮白日寶馬絡黃金莫射南飛鴈知應到上林

鄯善方降北輕車復自東彎弓當月滿飛騎出雲中肯授孫吳法寧論衛霍功三軍多勇略百戰恥和戎

長干行

妾家門巷起高樓揚子江邊水亂流明日留君應未得相思

兩槩渡西洲

青樓曲

門前繫馬上青樓小婦珠簾碧玉鈎日暮妝成調錦瑟少年不用取封侯

王昭君

信道紅顏好承恩見至尊不知宣詔罷翻遣出宮門生長秭歸村無人見容色如何入漢宮翻隨黃沙磧

折楊柳

千里碧迢迢行人上灞橋年光二三月攀折短長條漢苑春將暮隋隄雪正飄那堪怨羌笛吹入晚風遙

述懷

烈風有震柯急瀾無安鱗天地方窮晦百物待陽春歲晏荒



齋中寥廓無車塵出門步城邑極望懷所親欲飛身無翼欲涉河無津飄搖念岐路此意誰能陳

幽居抱長懷恒苦無近虞翹首百年內不足當踟躕吾黨二三子頗言心相孚振策無駑駕懸乘皆驪珠結帶從行遊風波忽相渝失路須臾間不復同馳驅聞道初未深託俗非良圖安知阮生涕乃爾雪窮途

澤畔有狂夫海濬有遺佚斯人既長往永願將安畢苟無豫章材何以既作室苟無良耜利何以藝黍稷懷此誰與期吾黨有膠漆窮冬天宇曠涼飈迅白日野鹿鳴其羣寒鳥自求匹覩物感未申離人志多恤願追騏驥足策此駑駘質

孤蓬生麻中結根堅且直微躬念衰賤匡扶在羣力寄託嗛嗛懷嘗恐非其質蔓草自有根羣物故有匹世人貴和同蒼

蠅變白黑一朝恐失墜無以報明德

感遇

昔有巖耕者乃云彭澤叟秋成獲良苗時至欣杯酒何爲航紙筆終令失隴畝股肱非徒然菽麥故不剖俛首問世人天真復何有

少聞小雅詩南陔與白華百里行負粟後世爲稱嗟努力事二人百年尚有涯伊余生事微中歲遠辭家故園就蒿萊未種青門瓜春風動四郊草根茁萌芽力耕非所任有秋則已賒出門傷我心黍苗日云嘉

擬古詩

駕言與君別乃爲萬里期悠悠遠行邁去去安可辭出門重攜手良會知何時江漢西南流浮雲亦已馳行人傷遠道離



李寔詩集 卷一  
心何草草念我平生親白首期相保春華坐晚晚安得長姣  
好惟有絃歌聲因之寄懷抱

蘭若生芳洲馨香隨風發美人被羅襦娟娟若華月明珠交  
翠羽流光艷城闕日暮歸重幃獨居感時節自顧陽春華誰  
能待霜雪

明明三五月杲杲中庭雪光景忽我道何時復可掇薄言一  
尊酒請呼心所悅命駕登崇岡遙瞻故宮闕千門鬱岌堯粲  
若衆星列長纓來九衢方軌無停轍鳴鐘會戚里束帶相傾  
結快意且及時歡宴殊未歇

置酒宴賓友列坐臨中堂美人爲趙舞振袖揚芬芳哀音赴  
急節中曲含清商流徵未及變慷慨激我腸百年會有期逝  
者如朝霜高車策駟馬爲樂方未央今我獨何爲踟躕心內

傷

峩峩百尺樓迥出浮雲端朱軒豁瓊戶綺榭迴雕闌佳人撫  
瑤瑟哀音遶梁間一爲楚妃嘆再爲張女彈累累如貫珠聞  
者皆歡顏忽如淒風至激楚含悲酸知希良所貴中懷鬱誰  
宣惜無凌風翼共逐雙飛翰

碧草揚歲莖崇蘭汎幽谷將以遺遠人芳馨聊可掬其如路  
阻脩舟車渺川陸感物懷故鄉憑高傷極目

明月臨前除牖戶吟蜻蛉商飈颯然至蓐收迎素節開軒露  
已溥俄驚芳歲歇鷓鴣空故巢歸鴻下天末念我平生友長  
裾曳華闕棄置難重陳脩塗方異轍豈無斗與箕西柄翕其  
舌結交亦奚爲息影蹈巖穴

孤桐雖百尺託身翳高岡結縞事君子將翔復將翔翔亦



奚爲燕婉方在茲羽翼何當乖山川中間之軒駕不時至膏沐誰爲施昔如豔陽節夕秀含華滋今如枝上露常恐朝華披願君勗明義妾心終不移

郁郁中庭樹當春發其華采采欲有贈所思天一涯川原杳無際白日將西斜褰裳不可涉佇立長咨嗟

離離天上星盈盈限河漢睨彼女與牛流光一何燦報章復如何七襄自昏旦機杼涼風生思心一零亂永遠遙相望停梭起長歎

原野何萋萋踟躕復回顧習習谷風生吹我園中樹年華方在茲鬢髮俄成素昨日不再來今已傷遲暮嗟彼草木榮豈翳金石固寥寥身後名歛如枝上露

曠望臨高臺川長去無極四序忽已周撫時長太息歲暮心

苦悲涼風自悽惻萋楚樂無知蜉蝣惜其翼努力爲懽娛嗟  
嗟如不克睠言彼姝子窈窕擅容色素手揮朱絃調高人不  
識刺羽流清商哀吟淚沾臆秉心淑且貞禮防信靡忒願逐  
雙鴛鴦游戲清池側

步出城東隅言登北邙阪纍纍誰家墳淒淒白日晚斷碣時  
復存披榛陟重巘問之何代人去我亦已遠抔土一朝封千  
年不復返造化相推移須臾成聚散晝夜理亦齊賢豪終不  
免彭殤皆有盡寧復論脩短笑歌誰與娛當杯勿辭滿

新者易以故故者難爲新高墳空岌業羊馬不復陳穹碑字  
磨滅狐兔相與鄰幽宮閉玄壤長夜無昏晨故鄉不可見含  
意誰能申

盛年不再得志意無窮期今日不爲樂明日安可知爲樂將



奈何去日常苦多中流載簫鼓一醉朱顏酡  
儂人如不死何  
不來相過

嚴霜下林薄野雀鳴啾啾念彼客遊子舉袂風脩脩  
我有尺一書欲寄終無由竭來入我夢歡言結綢繆  
遺我紫羅襦被以青綺裘欲語未及竟行矣安能留  
輾轉不成寐垂涕沾衾

凋相思越萬里荏苒淹三秋願保歲寒心區區復何求  
凝陰始戒寒庭戶悲風起羲馭薄南躔微陽傾短晷  
衆星何離離從橫浩無紀繾綣故人書迢迢寄雙鯉  
不異瓊樹枝輝光照閭里久要方自今知心能有幾  
懷抱徒區區何以報君子

高軒過我廬貽我青玉案珍重故人心光瑩時可玩  
貯以瓊瑤英藉之錦繡段同心臭如蘭斷金安可間  
傾蓋何足論願

言期歲晏

高樓有明月素影流空幃衾枕粲以列晃如朝日暉  
淒其歲云暮游子將何依悠悠即長路遠望以當歸  
引領出復入佇立空歔歔

吳趨行與陳翁

梅尉旣嘉遯梁生復行歌咄咄吳趨市遺民一何多  
陳翁葑溪濱小山築層坡著書已多年松檜森成柯  
君家太史公摛詞如懸河與之爲頡頏良已工琢磨  
以此圭璋器顧乃懷薜蘿始知太丘長立俗何巍峩  
元方與季方導源揚其波十月春酒開黃花被巖阿  
念彼隆中人日夕相經過對酒月復盈不飲當如何

黃鵠吟題袁氏節孝編



黃鵠東南飛振翼歲徒光五步一徘徊十步一彷徨矯首鳴  
 且悲孤飛不復雙渠陽切永言戢毛羽不復凌風翔良人惟古  
 歡形影何乖傷宛頸顧其雛能無感中腸頭上金步搖耳後  
 雙明璫織羅為上飾織綺為下裳棄捐篋笥中不復施明妝  
 孤稚日成長孫子皆成行門閭日以繁阿母居中堂開筵夜  
 搗鼓百拜陳醴觴鄰里相歎息聞者為惻愴初良切為此黃鵠  
 歌念之慎勿忘

徐氏南園賦得亭臯木葉下

泛舟南湖渚凝睇崇山岑夕露委叢薄微陽靄疎林雕墀隕  
 寒穉脩幹餘清陰松檜雖晚秀芳華隨年侵巖虛萬象肅野  
 曠孤鴻吟振衣命高駕涉足臨遙深澄潭靜一碧皓月開重  
 襟良辰心所悅遲暮情難任

送別朱錫鬯

嚴寒慄仲冬北風振頽木素雪何飄揚玄雲靄平陸是月閉  
 行旅川塗渺遐躅居人出復愁臨觴感幽獨何當別我友駕  
 言將出宿

出宿亦奚為逝將遊山陰山陰非遠鄉所傷遊子心晨興越  
 里閭夕宿逾江潯揚舲邁脩渚振策登遙岑藏書無昔穴采  
 葛興微吟

微吟復長嘆淒其歲云暮遊子衣裳單踟躕在中路執手攬  
 子袂眷言念情素行矣不可留登艫復懷顧依依難重陳相  
 知有新故

七月七日夜嶧山舟中作

孟秋天微涼時序更長夏栖栖遠行子冉冉風塵下天空霞



彩飛水落芙蓉謝盡日雖舟居游目時多暇連岡秀齊魯透  
迤自相亞勢已趨岱宗氣欲凌嵩華緣岸秋花明激石哀湍  
瀉是時會靈匹雲車當夙駕浩蕩窮神理冥心觀物化仰首  
問羣仙河鼓何年嫁坐久天漢傾長歌動遙夜

送別

浮雲西北隅日夕東南征東南有故鄉念我滯遠行粲粲牛  
斗墟仰視天漢傾我友遄旋歸青驪垂朱纓凌晨越脩阻駕  
言出燕京輕塵飄路隅寒鳥相悲鳴雖乖攜手歡久要在平  
生

贈朱錫鬯

鬱鬱山上雲溶溶滿巖谷由來膚寸間旋空散平陸爲霖詎  
所期芳潤聊可沐出岫初無心怡情殊未足長風忽西來飄

飄遠相逐吹渡吳江潯陰映長河曲卷舒固無時羣情動遐  
矚安得乘迴風跂予返林麓草木有餘輝依然媚幽獨

嗷嗷孤鳴鶴啄食青田芝揚音激霄漢脩姿潔其儀朝遊閭  
風苑夕宿滄江渚儔侶誰不慕振翮相追隨虞羅張四野矯  
首將分飛翱翔戾天闕歛忽見王畿王畿何翼翼芳林被華  
池棲息豈不歡平生願有違嗟我同林鳥懷思當告誰

舟過語溪水涸不進陸行二十里寓宿蕭齋凌晨忽漲  
尺許榜楫復行

六月至七月炎暑方鬱蒸雨澤不時降旱魃將有徵行來語  
溪道勺水如溝塍小艇懼欲發不異膠漆凝下者爲塗泥高  
者爲丘陵緩步遵脩途何必騎與乘日高荷我笠路長扶我  
藤徒旅皆負戴嗟爾力未勝逡巡息道周前呼後者應往歲



燕齊間遨遊追友朋經旬或累月策蹇時羸騰今茲爲水鄉  
枯槁何相仍薄暮靡所適精藍鬱峻增於焉息其足取適惟  
曲肱颯然微雨過涓滴猶足矜長宵清梵作入耳心亦澄客  
子念行役披衣當夙興出門見水勢夜來知已增泱泱東北  
流盈科良可稱穢穢榜人喜敝漏寧敢憎添漲始一尺歛危  
引長緼稍稍接通渠轉捷如飛騰始知造物理倚伏非人能  
向來登涉艱過眼何足憑所嗟農事微秋穫屢不登良苗乾  
欲死望歲徒兢兢甘霖恐無及悵然撫我膺

山居讀書和俞簪雷

平生有嘉尚寂寞耽林丘荒塗少人迹荆杞生道周駕言步  
城邑冠蓋非我儔息心寄崑谷將與古人謀興情事流覽稅  
駕追前脩古人不可見何以資冥搜會心時有適晤對方夷

猶輕風拂庭樹好鳥鳴相求物情皆不異天地終悠悠願偕  
羲皇人高卧凌滄洲

大道方榛蕪先民久不作清潭索玄虛曲學事穿鑿或以堅  
白稱或爲名理縛采擷非驪珠探求但糟粕繫惟山居人放  
懷在寥廓游意涉無涯忘言非有託悠然見天真四顧皆寂  
寞方其得意時解衣自磅礴靜對足逍遙何在非丘壑孔氏  
大聖人所以稱顏樂

俞貞女詩

鬱鬱閨中秀令德鍾高門秉心明日月大義申乾坤睠言締  
絲蘿託身自茲始宛彼髣髴兩髦莪莪圭璋士棄捐誠不意霜  
露萎崇蘭一朝來凶問慘絕摧心肝未及結其縞飛蓬裏衰  
經生違伉儷恩死則期同穴上堂作新婦獨進拜姑嫜聞者



卷一  
為隕涕四坐皆徬徨形影寧獨存舍生良所貴眷眷高堂心  
全身兼取義孤懷更誰語親愛難具陳徒緩須臾死勉稱未  
亡人承祧有藐孤宗祊庶攸寄重以殤子哀一死更何計歲  
序忽流易靈車將戒塗幽埏旣以闕千載成丘墟素志本不  
渝貞魂詎終隔貌悴心亦枯同歸萬古宅吁嗟古賢媛義烈  
多昭垂女子未有行抗志良獨稀屹然秦駐峰貞女差足並  
傳之後世人聞風自悽哽

雜詩

英蕤綠綠隄猗靡當春發寧知寸草心爭妍桃李月容華貴  
及時荼葩良未歇

竹枝何嫋嫋植自靈丘山鷓雛啄其實鳳凰巢其間啾啾慕  
儔侶振翼誰能攀

高松鬱嵯峨結根老巖石幾度艷陽年亭亭爲誰惜歲寒今  
始知繁華復何益

渺然茲一身經營在四海願爲五嶽遊流光不相待緬懷三  
神山僊人竟何在

楚客來三緇結言贈芳草留夷與揭車紉佩皆言好被服何  
足侈馨香滿懷抱

飲曹司農倦圃作

高岡帶崇墉逶迤秀林薄綺構雖連雲雅尚耽丘壑緬懷前  
賢蹤端居會有託結廬方在茲覽古事靡怍高言旣忘疲清  
風動山閣

謝公東山日蒼生寧不懷所欽獨往心常與靜者偕虹梁俯  
幽澗密篠侵前階清陰歷松檜倒景凌蒼崖歎歌聊可適非



在奚言集  
卷一  
必資談諧

賞心非一端別墅城西隩往復恣窮探登臨展遐矚祠宇瞻  
霸才山池溯光祿霞綺澄餘暉重湖敞林麓雖非物外遊翀  
襟澹彌足

夙心敦嚮往暇日相招攜讌笑豈不永闋若巖中棲嘉肴進  
豐膳芳筵綠綠隄會心初不遠境靜理亦齊晤言良有適豈  
必凌丹梯

和西城別墅詩

石帆亭

境靜心亦閒虛舟元不繫忽見一帆懸頓有江湖思不識巖  
巒幽孤峰隱深翠

樵唱軒

空山寂以聽鳥鳴山亦春誰爲發樵唱不見採樵人冥心遊  
太古緬想葛天民

半偈閣

高閣雖連雲怡神但容膝悠然物外心獨寤維摩室半偈寂  
不聞密義誰能質

小善卷洞

四壁何巒岈蒼厓留一罅洞壑何年開石乳溜巖下清吟在  
其間泠泠足銷夏

春草池

萋萋春草碧一鑑方塘開淪漪照清影日暮空徘徊謝家詩  
思在月明池上來

嘯臺



卷一  
三  
崇臺何鬱鬱四望悲風生古人不可見慷慨何能平凭高發  
長嘯聊以攄我情

竹徑

嫋嫋庭前竹不異在山阿逶迤此開徑落葉何其多自非羊  
求輩寂寞誰經過

綠蘿書屋

檻外秋風生綠蘿掛新月空庭露華滋涼夜清輝發縹緲山  
中人端居在林樾

客吳門作

昨歲遊東齊歸心向吳越南登闔閭城叩舷停不發依人計  
已疎謀生道何拙區區負米心旦晚猶可達晨昏則已違鄉  
邦近門闔遙知倚閭望聊以慰白髮世路多艱虞脂車戒無

軌努力慎所由持躬庶靡闕魑魅爾何爲羣遊恣出穴欺人  
故潛形誰爲保明哲揮手謝之去不忍見此物將與麋鹿羣  
適性從所悅

金陵篇奉寄外舅王翁

四坐皆請聽聽我歌金陵金陵天府國都邑自相承龍盤虎  
踞雄江左畫閣連雲接青瑣重門大道七香車桂檝蘭牕九  
微火渡江名族舊繁華共羨王家勝謝家十二珠樓萬年樹  
三千繡戶滿庭花當年尚憶曾遊處幾歲移家洞庭去今年  
復事金陵遊南鄰北里相淹留秋風不識烏衣巷明月斜臨  
白鷺洲雄心慷慨應如昨擊筑高歌重然諾囊中不少沽酒  
錢天涯且就金陵約平生自媿郗公親吳苑棲遲三十春窮  
途意氣無所惜寸心感激誰能陳即今搖落江村暮舊恩遠



存齋詩集 卷一  
憶金陵樹一望金陵思渺然石頭城北五湖邊何時滿酌金陵酒更醉高堂紅燭前

醉歌送朱錫鬯遊嶺南

離亭醉欲別極望空浮雲執手衢路側踟躕聊送君嗟君文采應無敵世上聞名徒唧唧詞賦終稱鄴下才飄零不作平原客一從邊馬渡江關幾載風塵道路間虞翻去國長相憶庾信哀時且未還即今世事成銷歇席門窮巷交遊絕已將名姓謝時人猶有文章妙前哲黃金空盡白頭新與君意氣轉相親吹簫乞食歲云暮彈鋏長歌秋復春君家門第清華久王謝衣冠丞相後親知滿眼不相識窮老滄江復何有三秋九月霜葉稀北來鴻鴈西南飛黃花綠酒送君去銅柱珠崖何歲歸珠崖銅柱行應及猶是尉佗故都邑百粵風煙五

嶺高南人惆悵北人集曾憶當年陸大夫明時奉使安海隅却令蠻夷盡傾倒更聞燕喜多歡娛風流千古遙相羨君到南中莫留戀江上秋風一挂帆天涯明日相思遍

送朱十同高大遊燕

北風吹塵暗城邑有客清晨叩門急故人別我將遠遊短衣匹馬凌清秋他鄉未必無知己作客唯應有蒯緱男兒生年過三十寄食天涯如不及朱門豪貴少留賓狹路逢人羞拜揖置酒勸君歌莫悲狗屠燕市相追隨鼓刀安得從朱亥擊筑徒勞憶漸離君不見蕭蕭易水金臺下落日平沙風滿野荆卿一去咸陽宮誰是當年和歌者

哭談孺木

生平與君未相識邂逅曾逢傾倒極十年回首不堪論歎息



遺書空四壁有明開繼三百年未有全史留人間嘉隆之間  
鄭端簡手輯三謨陳二典簡練始知作者意何用飛文騁雄  
辯即今寥落百年餘執簡無聞太史書况復兩京戎馬後興  
亡遺跡成丘墟烟草荒涼半蕪沒蘭臺秘籍多遺闕所聞所  
見已非真竊恐斯文遂銷歇遺獻誰知老布衣高才倜儻天  
下希一代文章存信史名山石室終焉歸網羅放失行應遍  
足涉江淮周海甸猶欲觀風燕趙都迢遙萬里辭鄉縣蒲坂  
登臨古冀州河山滿目不勝愁寧知萬里無窮恨天涯去後  
歸遺櫬舊業空留滄海濱小山寂寞難重問他年東閣待羣  
英故老何由見伏生嗚呼一朝文獻終已矣是非千載徒縱  
橫

黃河口

竭來將出黃河口驚濤落天雷怒吼複岸遙隄爭水勢設險  
從來扼東走大河直北南漕渠爭趨溟渤爲歸墟懸流倒注  
不可上上水一步高尋丈逆浪排山勢莫當道旁觀者心徬  
徨下水須臾險欲落牽挽留行稍前却高檣大纛誰家船健  
兒挾彈鳴弓弦驅走人夫齊向前猶餘暴怒揮金鞭中有妖  
姬坐兩邊短衣倭隴垂雙肩寒帷一笑何嫣然

送屈翁山之代郡

前年相見裴休宅秋水城南月華白今年相見昭王臺邊風  
颯颯吹塵埃憐君家在番禺縣音書無復隨陽鴈塞北天南  
去復來馬邑雲中歲將晏應知裘褐可安居遠結新婚萬里  
餘秋來已見迎河鼓早晚相將輓鹿車揚鞭八月飛狐道客  
思隨君徧衰草燕山昨夜雪花飛聞道鴈門寒更早主人有



春興詩集 卷一  
酒莫辭頻悲歌擊筑傷心神百年聚散會有日深媿東西南  
北人

送人歸吳

二月東風送歸客朝來走馬長安陌烟花日落九河陰芳草  
春深五湖宅城外鶯啼柳色新歸心日夜向江津還將謝客  
尋山屐更逐金門避世人

燕山春夜大風作

燕山二月陰風號夜半儵忽驚波濤颯如窮秋萬木落怒如  
虎豹空林嗥斜月中庭黯無色白虹亘天夜不息朔氣遙從  
瀚海東黃沙暗度交河北空堂愁寂夜厭厭長路關心思不  
堪庾信哀時今老大不知春色到江南

送耕客遊重安

君家兄弟何翩翩南遊洱海北入燕仲兄遊燕猶未返碣石  
宮南春已晚伯兄南遊今始歸門前車馬光照衣巴童棘女  
紛歌笑明璫翠羽相追飛季子才名殊不易年來閉戶風塵  
際內史猶應掩哲昆僧彌亦復推難弟扁舟五月下橫塘此  
去黔陽萬里長帆借東風吹五兩路經南嶽盡三湘黔中地  
接牂牁郡匹馬荒山重借問舉首寧知去路遙看雲不覺炎  
洲近君到重安定幾時融風赤坂坐相思寄書江上憑雙鯉  
不異天南瓊樹枝

移松歌

堂下雙松纔數尺生長階除何偪側未成鱗甲作龍形已覺  
槎枒動雲石主人移植不勝情日夕婆娑松畔行我欲臨風  
還洗幘時時高枕聽濤聲



竹林歌送姜鐵夫之覃懷

君不見竹林諸賢竹林下落日平疇風滿野無復清潭縱酒人獨餘行路悲歌者太行山下一鴻飛河陽城北草離離清泉綠竹無過此却憶覃懷底績時君去覃懷知近遠岐路蒼茫愁日晚秋風醉卧劉伶臺莫遣傷人笑嵇阮

寒食途中即事

行人二月淮南路寒食今朝春已暮舉首還隨朔鴈飛搖鞭時有東風度此日江南春可憐遊人多上木蘭船鴛鴦湖畔生芳草翡翠簾中捲暮烟飛花一片隨風起遠逐征人渡江水失路朝行苦霧中停驂夜宿荒村裏荒邨茅屋席爲門濁酒頻傾老瓦盆聊復隨人解饑渴那堪極目向林原林原颯颯風吹野一度花開又花謝壠上誰家祭掃歸山頭幾處牛

羊下下相城邊雨未晴鍾吾渡口少人行凌晨策蹇衝泥去愁聽荒雞報五更

梁園對雪有懷

客游梁宋間歲晏風悽惻寒空漠漠雲四垂平野茫茫天一色馬頭幾點雪花飛下馬紛紛亂拂衣茅屋風吹雪更厚征途日落過人稀客舍門臨大梁道覽古猶憐路傍草一片瓊田照眼明千林琪樹分清曉昔日梁王全盛時平臺宴賞游曲池雪夜開筵禮賓從興酣落筆多文辭悠悠往事空陳迹行歌對雪遙相憶朝來愁卧掩荆扉傷懷況是窮途客

寓婁東梅花庵爲梅村先生別墅先是爲弇州先生故業云

小市寂不喧高城日亭午海上多炎風偃息宜何所傳聞勝



地足幽尋却望雲林思不禁扶屐頓疑人境隔到門真信入  
山深槎枒古樹森千尺日氣陰陰亂雲石潛聽萬籟如新秋  
遙夜星光動巖隙山池宛轉流曲房晚涼時送芰荷香啼鳥  
數聲尋不見吟蟬幾處入斜陽昔日瑯琊盛才傑歸老弇州  
開別業風流文采世應希賓客游從此銷歇百年世事幾更  
新後來作者歸何人煙霞泉石豈無主梅村學士誰比倫月  
旦聲華殊不少清流獨羨登僊早滄海桑田能幾時盛名自  
古終難保物外優游有歲年空餘詩卷在人間清泉白石無  
人見一片松風倚杖前

木蘭花遭風雨歎

春陰漠漠春山曲萬朶濃香看不足閒庭芳樹數芳蘭滿眼  
寒花照寒玉作客胥江未擬回尋春須待好花開兼旬風雨

何時歇擁被愁聞半夜雷

過淮陰作

淮陰城邊霜葉落淮陰城下孤帆泊往來此地幾經過轉眼  
秋風更蕭索重來何處覓王孫釣渚荒臺空復存真王假王  
亦何有千古猶思一飯恩英雄失路無顏色擊筑吹篴人不  
識莫恠南昌亭長妻晨炊却厭窮途客

題咎元彥雨圃圖

謁來山閣龍山岑林昏雨氣常陰陰憶得園中最佳處時從  
畫裏還相尋主人一笑開懷抱三徑落花應不埽朝來樹色  
雨偏宜昨夜秋風晴亦好

竹垞齋頭觀羅浮蝴蝶歌

爲問客何來遺君鳳凰子遙從珠海毓靈奇挂君紅羅斗帳



春風裏忽覺翩翩兩翅生陸離五色交從橫錯采鏤金互迴  
薄明光照徹何晶瑩艷陽嘉日遨遊遍東園南陌徒相羨栩  
栩空勞夢裏尋深深幾向花前見聞說朱明四百峰青鸞白  
鶴多僊蹤霞綺羣飛玉蝴蝶煙霄散落金芙蓉鳳車展向南  
垞曲觀者如山看不足班姬紈扇欲雙開僊女輕裙留一幅  
隴山鸚鵡解相思塞上征鴻遠憶歸念爾生來異鄉土無知  
況是質纖微年華荏苒芳菲盡對此踟躕聊自忖安得乘風  
送爾歸羅浮山下棲香穩

秋社日竹垞招集同人爲治聾會分賦

春社花始繁相逢又秋社花開謝能幾時燕來燕去何爲  
者今年禾稼將有成農務村村社鼓鳴檐頭幾點社翁雨粉  
榆相聚多耆英自憐少壯今非昔飲酒高歌殊不惜曾聞社

酒可治聾此語無憑空歎息但得年年此日醉君前縱令耳  
不聞聲歡亦得

苻谿詩集卷一終





苻谿詩集卷二

嘉興梅會 繆泳 潛初

喜朱錫鬯歸自山陰

涼風坐蕭瑟落日在林原尚有平生友無忘夙昔言渚田寒  
聚鴈江閣夜開樽及爾皆華髮南鄰好灌園

別程生三錫

澄江秋色遠之子尚孤征故國何年別離歌永夜清星河明  
極浦砧杵動高城共惜登臨處蕭條關塞情

過周侍御宅

高風懷柱下落日訪柴門舊宅松筠古先朝劍舄尊春雲浮  
野渡夜雨過江村折檻當年事淒涼不可論

年少



年少今何及蹉跎老一丘壯心猶昨日華髮滿清秋戎馬中原隔風雲絕塞浮美人嗟不見目斷海西頭

不寐

中宵愁不寐四壁聽無聲遲暮終何託飄搖念此生寒江千里夢霜月五更明幾處傳金柝他鄉涕泗橫

送別朱近脩

芳洲生白蘋二月送行人南浦三江水東風萬里津猿啼他日淚花發故園春從此天涯路應愁絕塞塵

除夕

除夕今宵是他鄉落日斜人歸吳苑晚書報越江賒遠道傷黃鳥高堂念白華不須勤守歲應有夢還家

閒居

別業尋幽處新晴策杖行斷雲過嶺黑斜日下山明老去休彈鋏閒居信濯纓相逢有田叟濁酒不辭傾

夜泊長橋

長橋今夜泊愁思復如何故壘人皆盡寒江客自過三秋聞鴈唳兩岸雜漁歌從此扁舟去淒淒雨雪多

登樓

長年事遠征故國未休兵向夕登樓處臨風繫客情羽書連驛路笳吹入邊城蕭瑟江南北春田又不耕

送朱錫鬯重遊山陰

曾識西陵渡行歌又出關三江潮落後獨戍鳥飛還月下明津樹舟中辨越山謝公多逸興憶爾復追攀

知君探禹穴重過若耶溪水滿花長發雲深路不迷游人天



燒下狂客鑑湖西何日相從去春風一杖藜

九日感舊同陸景宣

漫有扁舟興相看老歲華百年逢世難九日又天涯落葉登高會清尊處士家山陽中夜笛回首一長嗟

別吳澹思

古道應難見如君意氣深漫投青玉案莫效白頭吟別館經殘雪寒林集暮禽梅花溪上路何日更相尋

懷朱錫鬯客粵

西風江上路望遠一登臨重以故人別難為遲暮心關城寒葉落宮樹夕陽深應憶同遊處飄零獨至今不盡窮途淚蠻鄉更若何梅花經歲發驛路幾人過失計依劉表無由說尉佗羊城五千里南望鬱嵯峨

路遶青山外天寒白露秋仲宣能作賦為客幾登樓瘴海經蠻部珠江望越州知君多寄興高詠不勝愁攜手尚如昨涼風生玉除重聞天外鴈不寄日南書戎馬嗟行役江湖感索居故園秋草綠歲晏莫躊躇

經感湖

湖堤楊柳外遺恨此重經執手悲他日飄蓬異昔齡閒階生碧草暗井落銀餅更有吹簫曲依依不可聽

九日過鈕森如齋同計文子

林下三秋別湖邊九日來年華仍旅食歲晚共銜杯斷鴈橫空下疎花冒雨開更逢搖落候但醉莫登臺

宿池上樓

虛閣臨池畔微涼此夜中天街望牛女月樹隱簾櫳葉暗聞



清露荷香過晚風所思長不見愁卧管絃終

暑夕王云幾席上同周簞谷

別席俯清冷微涼近水亭荷風輕宿暑螢火亂殘星初月藏  
團扇明燈隱畫屏高陽多美酒無事獨爲醒

柴門

眺遠柴門外臨風思渺然亂流殘雨後孤鶩夕陽天歲稔餘  
桑柘村深隔市廛老農應可學無計買山田

高閣

高閣數螢流離人此獨遊蟲聲喧竟夕江色暗清秋涕淚今  
何限風塵老未休不眠懷往事歷歷五更愁

荒郊

荒郊新霽後緩步聽流泉野岸秋風樹村墟日暮烟長天孤

鳥沒返照一峰懸漁父獨何意滄浪聞扣舷

過古南山房喜晤羅浮均公自燕遊還

借問淹中客翻從物外遊悲歌辭易水鄉思遠羅浮岐路無  
相識高風不可求鴟夷江上月更泛五湖舟

聞均公西谿看梅却寄

二月西谿路幽人自往還梅花飄玉笛一夜滿孤山莫以羅  
浮勝長懷嶺海間葛洪有仙井留汝共追攀

聞均公竟自武林之白下不得與別

昨日相逢處經旬感索居故人重極目念子復何如帆隱三  
山外江春八水餘新亭好風景憑眺幾躊躇

贈徐案之

海內同心友天涯行路間相逢如宿昔此地得追攀白雪聞



高詠青門去不還從茲揮手別何處訪名山

春日寓慈雲菴王生見過有贈

寒雨空林積蕭齋過客稀王猷幾乘興折屐到柴扉風雅同  
吾好飄零與世違長歌歌未歇惆悵一帆歸

懷均公

楚國文章在誰傳屈大夫諸孫今繼作高詠屬吾徒海外依  
龍樹人間識鳳雛西谿相送後無那歲云徂  
去日王孫路鶯花又一時春風吹碧草遊子復何之烽火何  
由息瑤華不可期湯休應怨別無以報相思

懷笈公

杖錫日已遠歸程芳草多攝心元不住羈迹定如何自乞齋  
時飯誰爲勞者歌西谿舊精舍待爾復來過

貞簡先生輓詩

歎息黔婁子生平獨晏如春秋思有作封禪更無書宿草餘  
三逕殘編尚五車交游多寂寞回首憶菰蘆

可歎

可歎休耕作翻然事鼓鼙流人空井邑岐路自東西不見同  
車友還愁饁餉妻飛飛暮黃雀相逐野田棲  
世難方如此吾生未可知儒冠真足賤杖策且安之嶺海音  
書絕江關羽檄遲一身無處所何況遠相思

采蓴

聞道明湖勝先嘗碧澗羹應同昌歎嗜贏得露葵名鹽豉從  
堪化鱸魚耐可并秋風最蕭瑟相憶若爲情

與陸景宣



少日傳文賦愁時寄藥囊應知上池水近出首山陽去國身  
將隱行吟意不忘即今歌鳳者猶是接輿狂

題許叔元匏菴

匏瓜思有託高興復長謠松檜幽居處衡門對寂寥浮家東  
海近招隱北山遙見說中林客臨流憶挂瓢

懷朱錫鬯客山右

燕趙經年別何門可曳裾關河前日信攜手念同車世路誰  
知己窮愁數著書歸來有長鋏慎勿歎無魚

別殷山人

昨日相逢地青春送別同鄉書秣陵北烟樹浙江東舊國歸  
何晚名山思不窮莫將齊辯士漫擬葛仙翁  
屈五至自白下與諸子約遊山陰有答

山陰曾不遠吳越共鄉邦非爾能乘興何當更涉江雲門隨  
杖鉢鏡水入船窗便欲尋支許東林問石幢

漂母亭

千古存知己平生獨感恩即今無漂母空自憶王孫淮水秋  
風市昌亭落日村昔年垂釣處蕭瑟不堪論

太白樓

酒肆層城曲垂楊亂水濱南樓今夕望不見謫仙人海上看  
明月天邊采白蘋登臨還取醉高卧落花春

別陳左之

回首江關路追隨彩鷁飛秋來望鄉處無日不依依南國清  
霜晚西風旅鴈稀與君同作客揮手未同歸

送張氏再出關



少小三韓客經年返故林辛勤仍遠戍何日更相尋  
令伯陳情表詩人陟岵心君今同去住無復悵登臨  
山海居庸北遼陽鐵嶺西春沙寒漠漠鄉路草萋萋  
華表聞歸鶴關門憶曙雞城南有思婦却寄數行啼

送陸冰脩南還

漠漠霑沙雨依依送客情涼天清宿暑秋水壯歸程  
路遠風塵色河流日夜聲自嗟留滯久深覺負平生  
一春妨病肺累月卧長安稍減文園渴空知行路難  
懷人初解纜努力慰加餐歸及茱萸節登高子細看  
時冰脩病起客舍經過數臨岐奈別何鄉心增白髮征騎促  
驅歌歲月還山遠秋風發興多舊遊憑問訊消息莫蹉跎

醜陳稽留

無事金臺客淹留感歲華逢人猶阜帽舉酒問黃花  
故里多年少長安有狹斜悲歌同此地時向魯朱家  
弟兄名藉甚往事惜蹉跎尚憶懷沙賦頻傷隔谷歌  
幾年尋五嶽雙髻老三河舊國秋風後鄉心奈爾何  
相逢燕市北相送薊門秋貽我河梁詠長吟自可愁  
朔風吹解纜山月照登樓知爾多高興題書寄石頭

席上重送畊客

故國三春後黔陽萬里程難兄斯年舊遊地送爾復  
遄征江漢孤帆遠關山匹馬輕南行有辭賦誰不羨  
家聲徼外羅施國先朝郡縣新西南諸部落梁益共  
喉唇名字留荒服庭闈憶老親倚閭心自切消息莫  
辭頻漫擬工縑素初聞下鏡臺蹇脩憑結好河鼓定  
歸來幾載刀



環約凌晨驛騎催臨叩君莫去傳語及瓜回時耕客失偶再聘未婚

峒悟道中

驅馬來村市迴鞭指大河山遙隨去客水淺落平莎地脉殷雷動雲根積石多不知前路滑片雨乍經過

淇上

墨子迴車地行人策馬過秋風淇上縣猶是古朝歌驛路荒烟斷寒原落木多凌晨太行道舉首漫嗟峨

碧雲寺看竹

自昔宸遊地依然物外蹤碧雲天半寺蒼靄夕陽峰竹有金鈴護花仍湛露濃泉聲流不盡歎薄玉潭龍以石作龍泉從龍口出

白溝河

白溝河上雨一望是寒雲野曠風難定天低樹不分荒原經

百戰遺恨失孤軍更耐郵亭月哀笳處處聞

蒙陰道中

僕夫催上路策馬過東蒙黎棗千村樹烟花二月風山光變晨夕雲氣結空濛愁為明朝雨行人語夜中

芳草

芳草新年合平原落照低春風一搖蕩何處不萋萋天遠荒行跡城深沒馬蹄江南三月暮極望使人迷  
絲絲將遠道脈脈見斜暉南陌人應度東園蝶正飛湖光明雨霽山翠入烟微莫上高臺望王孫去不歸

靈隱寺

招提尋勝蹟臨眺轉崔嵬象緯諸天逼雲林丈室開山疑靈鷲出車是白牛來歸路蒼烟外無如夕照催



夜泊橫塘

塘上雙柵樹青蔥夏亦寒維舟多晚興斜月下林端野火迎  
荒戍漁歌過遠灘愁時尚羣盜擊柝又更殘

促織

空庭涼露下落葉正紛紛促織緣何事哀吟不可聞  
鴛鴦機殘錦字鴈塞隔寒雲為爾催砧杵秋聲到夜分

汝氏池亭對雨

漠漠今朝雨霏霏四望同竹深寒翠滴荷謝晚香空  
往事隨流水羈愁託遠鴻浮萍雖不定猶是故池中

真州

胥浦臨天塹真州近海隅江長來萬里地險控三吳  
野樹晴花發川原客思紆秣陵山色在回首月明孤

雲陽道中

春水風難定春山霧不開千檣臨睥睨獨客下荒臺  
樹影空村薄江天旅鴈迴流亡今已徧野哭使人哀

辛酉除夕同秋錦

垂老翻為客殘冬尚不歸寒回今夜盡事去昔年非  
鄉信違前臘山程限落暉倚閭應有望猶自念無衣  
莊惠曾遊地濠梁此共傳招攜同我友寄興在誰邊  
野竹捎檐短陰崖積雪偏管絃愁聒耳爛醉不成眠  
有弟皆遊倦頻年客五湖愁予真計拙知爾得歸無  
兒女看成長山川思鬱紆堂前椒栢酒努力盡歡娛

別故鄉知己

野岸霜華白江天落葉秋如何故人酒不遣別離愁  
曉月臨



官路哀鴻過驛樓落帆亭下水千里送行舟

邗關漫題

朝來催朔雪昨日渡江濤搖落誰相識平生興轉豪敢教輕  
脫粟虛憶解綈袍莫以窮途客豬肝累爾曹

維揚道中

雷塘秋盡後垂柳不堪攀策馬西行去離鴻朔塞還驚心餘  
戰壘回首隔邗關誰念征途客栖栖歲暮間

渡河

龍門連積石萬里瀉黃河劃地歸滄海滔天起白波冰高千  
丈落勢險一帆過此地分南北鄉心奈爾何

過易水

日暮悲風急蕭蕭自水濱可憐屠狗輩無復和歌人易酒難

爲醉山花不記春獨餘千里客懷古一沾巾

見盆中梅花

江南春色好辛苦到燕山官閣行吟地晴窗自掩關暗香侵  
坐上清夢憶林間好護雕闌裏殷勤未忍攀

過雄州

積水連諸泖遄征去問津關門當日險隄柳異鄉春岸遠明  
殘雪風多起暗塵晚來投宿穩翻似乍歸人

郟城遇雨

積雨連朝暮蒼茫岐路間溪深催渡馬雲暗不歸山草淺平  
沙出花飛亂石殷前村有茅屋濁酒一開顏

青駝寺

借問青駝寺行經萬壑間東風吹細雨策馬過前山野雉驚



飛去耕犁放牧還征途三月暮垂柳自堪攀

送徐敬可之弋陽

由來徐孺子獨卧草堂西舊徑還相訪新詩喜共攜維舟長  
水道問俗弋陽溪客思饒江外能令去路迷  
江上清和月雲帆挂夕陽千溪下滄海三折到錢塘棹楫榜  
人喜乘潮候吏將客星遺跡在爲問富春傍

雲間寓舍送歸客

清秋憑放棹回首惜同岑塞雁歸飛日浮雲去住心吟邊虛  
歲月客裏罷登臨後夜華亭鶴寥寥空外音

送魯南侯歸越

朔風吹斷雁歸路出雲間幾日論文罷凌晨放棹還書仍探  
禹穴雪欲滿吳關臘月江梅早懷人自可攀

贈金子闈

樂府新聲滿雲間上客過南朝宮體在西曲麗人多調已傳  
流水棧仍製衍波此中誰屬和還待雪兒歌

疇玉畊病中見贈

垂柳閭門道相逢十日陰空餘山水興莫負歲時心肆意尋  
千卷懷人寄一吟頭風知可愈不必待陳琳

客舍飲木蘭花下

池館三吳勝芳菲獨樹春枝高銀燭亂花覆綠苔勺野趣尋  
鷗客鄉心逐鴈臣嘉辰能取醉應勿厭吾真

上巳前一日遊支硎山

地迴羣山接支硎入望來昔人今不見遺跡自荒苔曲水迴  
香閣長松拂講臺更貪風日美花下早流杯



言尋棲遁處信步白雲隈風景應如昨支公安在哉聊將今日會預泛永和杯薄暮聞漁唱相隨放棹回

準庵表兄園亭作

飛閣臨清渚浮空轉石欄烟村開宿霧漁舍接驚湍水淨芙蓉落墻深薜荔寒夕陽半明滅回首出林端

過楞嚴精舍與同岑上人

縹緲孤峰外浮杯二十年一燈方丈室萬頃五湖船夢想何人到歸來此地偏宗雷元結社不必愛逃禪

昔嘗駐錫包山

同公答和贈詩再次前韻

上人棲淨域飛錫自何年地迴元開徑溪深不繫船坐移蓮漏晚行拂雨花偏妙解誰知得譚詩更入禪

別汪名侯用朱旭夫韻

客舍廬江道論交未覺遲今宵尊酒會不異曲阿池學羨三餘積才高一字師多君年最少揮手醉千巵

答孔道玉

及爾同桑梓相逢只異鄉飄蓬千里道跋扈少年場野渡冰猶合寒梅臘未香題詩贈衰白感激意何長

答翟維藩用原韻

臨岐將逼歲聚首得兼旬謬以譚詩癖時看翦燭新逢人多白眼努力事青春明日還愁別關河問去津

答周香山用原韻

大雅存吾輩論交亦有神同心知別促異地覺情親白雪應難和青山好卜鄰栖栖寒臘盡回首歲華新

別弟



客舍相逢處臨岐送爾歸北風吹斷鴈南望欲沾衣丘壠心  
長在平生願有違河流冰未合早趁一帆飛

寄周香山

北風吹馬首西去渡河源憶昔相逢處連宵雨雪繁三秋違  
故國十日醉平原別路重回首無由寄一言

博陵道中雪後

古樹明殘雪寒鴉靜不飛天連衰草白雲盡野烟微歲月行  
將晚棲遲願有違知余憐老馬客路每相依

王涓來宗伯東園作

城隅開別業幽絕類郊居一徑蒼烟合千章古木疎到來成  
野趣應自愛吾廬謝傳留清賞東山望不虛  
平生邀顧盼回首十年來今日重逢地清宵共酒杯西窗頻

翦燭南望幾登臺轉覺慙知己飄蓬自草萊

江干阻風

揚子江邊客瓜洲渡口城遙聞秋雨外惟有怒濤聲萬古滄  
溟濶孤舟白髮生無爲望鄉國搖落使心驚

渡江

渡口江船發揚帆日正東洲迴瓜步出潮上海門通煙樹扶  
桑外春城島嶼中三山不可到誰與借長風

金山寺

水國金山寺秋風鐵甕城到來天塹隔目斷地維傾滾滾岷  
江下冥冥海氣生哀時今老大臨眺不勝情

真如寺重建浮圖紀事

澤國諸天外雲門四望同歌鐘移故宅寶筏度琳宮道跡今



李奚言集 卷二  
堪記浮圖昔已雄孤峰當睥睨雙樹隱房櫳夜淨瑠璃碧秋  
高舍利紅行游方歷歷苦戰復恩恩流涕瞻迦葉銜刀渡阿  
童虛聞牛尾藝實見虎皮蒙陰火吹神穴驚沙下半空栢梁  
災此日花雨散冥濛回首南朝寺傷心北塞鴻經營爰始事  
慘澹集羣衷長者金先布祇陀施不窮化城元涌地妙技想  
成風勢迴三千界梯連百丈虹盤迴凌窳堵峻極俯蒼穹絕  
頂安能到明河遂可通真如思髻鬕靈境儼昭融銘有羊公  
碣標疑象郡銅規摹殊舊觀邑里即新豐海甸窺毫末秦山  
入掌中茲邦餘樵李石室遶梧桐再覩梅檀域遙臨綺繡叢  
周顥存夙好庾信轉飄蓬逝欲逃禪去深慙作賦工精藍從  
惠遠香積飯何充白馬悲鳴處青蓮道法崇漸看霜髻滿誰  
辨劫灰終貝葉重翻譯珠林尚鬱蔥歸來華表鶴猶自識遼

東

盛湖觀落照和及山夫

澤國臨無際驚濤入淼茫秋深萬井外地僻五湖傍激水移  
沙岸哀湍下石梁川平諸派合風急暮流長霽景浮空碧澄  
暉動夕陽片雲寒漠漠餘照晚蒼蒼浦暗青楓樹波縈素練  
光遙峰看縹緲客路遶陂塘遊覽茲爲勝棲遲興不忘成都  
元近市濠上此飛觴邂逅同羈迹相知自故鄉招邀頻騁望  
杖策好扶將願逐任公釣誰憐阮籍狂乘槎虛八月頌橘遠  
三湘涼思塞芳杜愁心坐隱囊明朝挂帆去攜手問滄浪

遊西湖諸勝仍登靈隱

雨霽羣山接春深萬木低岸花青出地河柳綠生萸遠渚頻  
移棹諸天一杖藜坐看雲漠漠行伴草萋萋古寺泉名玉重



湖水蘸隄烟波臨極浦歌管度芳蹊洞以呼援入亭因放鶴  
躋言將尋白社便欲上丹梯勝賞時方暇朋游此共攜藤橋  
穿薜荔蠟屐數招提碧沼知魚樂閒窻任鳥啼精藍自西竺  
香刹記南齊絕巘仍開徑寒流半出溪危峰愁欲隨靈境到  
應迷磴道斜侵漢僊臺迴拂霓遙觀滄海日還憶駱丞題

盱眙渡淮作

楚甸分淮甸山城面水城川從桐栢下天接斗牛傾渺渺寒  
沙遠蒼蒼夕照橫支祁終自鎖精衛詎能平鄉路三吳盡關  
河一葉輕津人呼利涉我僕戒徼征疲馬嘶前渡離鴻急暮  
聲風高催日短裘敝怯霜清里鼓頻勞問郵籤不計程宵長  
歸夢斷歲晚客心驚老去懷宗炳途窮憶步兵滄浪空有待  
何處濯塵纓

過巢河

史稱廖永忠舟  
師迎駕於此

巨浸連吳楚高天接混茫曾聞巢子國今向大湖傍伊昔興  
師際依然古戰場波光明組練山勢夾餘艍豐沛通佳氣枌  
榆近帝鄉松江趨白下轉盼定朱方業豈偏安細基仍定命  
昌番君終事漢棠邑不稱王陳迹空追溯征途易感傷鼉鼉  
成窟宅滴蕩等懷襄志怪思牛渚瀕危訝馬當經秋猶駭浪  
問渡敢褰裳五兩乘風便孤篷入夜張浮槎窺列宿鼓瑟動  
三湘遠岸者闔出中流廟祀荒洲長迴鴈渚草淺落魚梁歛  
見泥沙積還憂利涉妨篙工愁陸地水牯駕帆檣習險誰能  
料洄游興未忘榜人重理檝估客信歸航歲晏冰霜急雲昏  
木葉黃臨深知有戒况乃石尤狂

酬別友人用原韻



不與言集 卷二  
他鄉重折柳落日且班荆共對樽中酒休論世上名歌驪催  
別思征鴈有離聲芳草迷官路游絲罥客程雲生孤嶂斷花  
發一枝輕曲水流觴宴春盤入饌鯖坐深紅蠟淚心寄白鷗  
盟投老懷歸計還期事耦耕

與吳于廷

海內論耆舊於今復幾人代稱吳季子近在石湖濱白嶽家  
聲古青箱世澤新平生少年日高議泰階辰志意翔寥廓飛  
揚邁等倫僊舟同李郭良會接荀陳一自桑田改何妨栗里  
貧百城圖畫迴三島物華春寂寞耽書卷招尋共隱淪嶺梅  
詩興發江月醉歌頻便著登山屐還看漉酒巾相逢塵事隔  
疑對葛天民

送王介人游嶺南

借問南中路依然嶺外春地深三月雨俗異五方人禹甸揚  
州域秦關瘴海濱珊瑚迎漢使笳鼓賽江神下驛逢花早官  
橋送客頻昔年行樂處莫待柳條新

苻谿詩集卷二終





國



